

Gobernador a efectua apertura di Corte di Husticia renoba ayera



OANJESTAD(AAN)--Ayer tardi a tuma lugar apertura di Corte di Husticia renoba y tabata gobernador Fredis Refunjol cu a corte e cinta y efectua e apertura den presencia di president di Corte Supremo di Hulanda Mr. Geert Corstens, president di Staten Marisol Lopez Tromp, prome ministro Mike Eman, Ministro di Asuntonan social y di labor Paul Coes y representantenan di Corte Comun di Husticia entre otro. Den e edicion aki por lesa mas di e apertura aki.

Corte ta pertenece na un di e pilarnan di e estado di derecho

Gobernador a haci apertura di corte di husticia nobo na playa



ORANJESTAD (AAN): Ayera den oranan di atardi a habri oficialmente e edificio di Husticia na playa. Gobernador di Aruba Sr Freddy Refuñol tabata tin e honor di por a haci apertura di e edificio nobo. Tambe tabata presente Prome Minister Mike Eman, Presidente di parlamento Marisol Lopez Tromp, Minister di Asuntonan Social y labor Paul Croes.

Segun a wordo treci dilanti pa president di Corte Supremo di Hulanda Mr. Geert Corstens, un Edificio di Husticia mester ta algo special. E ta refleha e lugá di husticia den e comunidad. Representando Husticia.

Den e edificio anterior e huesnan tras di mesa cu ta encarga cu un funcion asina special, na mesun momento ta sinta mey mey di e pueblo; facil pa acerca y facil pa yega cerca nan. Husticia pa hende y door di hende. Poder hudicial cu ta sigui yuda e comunidad, cu ta wordo compronde y confia door di e comunidad, y di cua nan por ta orguyoso. Esey ta loke ta conta. Pa esey un edificio imponente no ta necesario, pero un Edificio di Husticia por wel stimula e sentido di orguyo si y por yuda e bishitante realiza cu algo special ta sosode den e edificio aki. Algo importante.

Un sentencia ta algo diferente cu un paki di cuki. E hecho cu bo Edificio di Husticia no ta parece un supermercado, ta yuda nos realiza esey. Segun mr. Geert Corstens Presidente di Corte Supremo di Hulanda a duna di conoce, un apertura di un Edificio di Husticia semper ta algo emocionante. E edificio ta refleha e lugá di husticia den comunidad. Corte Comun di Husticia tin den e comunidad e parti di Reino den Caribe.

Corte ta pertenece na un di e pilarnan di e estado di derecho.

Den un estado di derecho

democratico, e gobierno tambe ta mara na ley y sa con pa salvaguardia e ley ey pa e libertad di cada individuo.

Derechonan Humano ta forma e weso di lomba di nos civilization. Nos mester aprecia y no purba di ta pichiri cu nan. Den un estado di derecho, gobierno ta contribui na promove e respet pa derechonan bou di e ciudadanonan. E ta forma un dam contra tumamento di ley den nos mesun man. Den un estado di derecho, ley ta wordo aplica riba cada un na e mesun manera. Den un estado di derecho e separacion di poder ta existi pa sigura e libertad di cada un di nos. Kiermen, separacion di e poder legislativo, e poder ehecutivo y sigur, di e poder hudicial.

Ciudadanonan mester por lo menos existi nan derechonan y pa esey ta crucial pa tin acceso na un hues independiente y capaz. Corte Comun di Husticia tin e reto special pa sigura igualdad di derechonan. Corte tin di haber cu por lo menos cinco famia di ley: esun Arubiano, esun di Corsou, esun di Sint Maarten, esun di islanan BES y esun Hulandes, incluyendo e asina importante derechonan humano. Pa Corte Supremo ta un placer pa sirbi e Corte Comun di Husticia, y pa medio di e Corte aki sirbi e comunidadnan di e islanan cu poder judicial den casonan unda Cassation ta posibel.

Cu esey Corte Supremo por contribui na preserva un husticia di calidad halto y cu ta duna confiansa na e parti di Reino den Caribe.

Segun president di Corte Supremo di Hulanda, pa por percura cu den futuro tambe por sigui cumpli cu e funcion aki, ta importante pa bai cu cuidao cu e principio di concordancia. Diferencia entre e respectivo leynan pa motibo di circunstancianan local, di mes ta algo

acceptable. Mester evita si, cu e sistemanan huridico ta bay diferencia substancialmente for di otro den un forma sistematico y den nan contenido. Sino, e ehecucion di trabou nan di contról den forma di cassacion lo por wordo dificulta sin tin mester. Corte Supremo por, a base di e Regulacion di Estado di Aruba, Corsou, y St. Maarten, compara e 'Landsverordeningen' cu e Derechonan Fundamental den e Regulacionan di Estado. Corte Supremo lo kier duna mas contenido na e funcion aki. E 'Staatsregeling' di Aruba hopi tempo caba ta percura pa e posibilidad di e evaluacion aki. Nos lo por a celebra caba e 25 añá di e evaluacion constitucional den Reino, pero esey lo ta poco straño: ta trata di un matrimonio existente cu nunca a wordo consumi! E estado di Derecho ta steuns riba e pueblo. Ta di mes cu e pueblo ta duna su apoyo mas lihe na institucionnan cu e ta compronde y ta confia. Si e pueblo no ta compronde bon e nificacion di un poder hudicial independiente, of si su confianza den dje ta wordo comprometi, esaki por crea base pa medidanan cu ta afecta e estado di derecho. Critica simpel y no funda riba e poder hudicial sa fomenta mentenan cu por limita e papel di e hues. E trabou di sigura comprendimento y apoyo di e estado di derecho ta existi esfuerso constante.

Di a laga sa aki cu no solamente di parti di e hues, pero tambe di parti di e otro dos podernan hudicial. Riba lomba di su representantenan tin un responsabilidad cu nan mester carga hunto. Si e estado di derecho kier mantene e posibilidad di existencia, e nificacion y entusiasmo pa e, mester wordo pasa di generacion pa generacion.